

LES PAYS SEPTENTRIONAVX.



VOUS auez en ceste Carte tout le monde Septentrional (par maniere de dire) car elle comprend tous les pays Septentrionaux qui sont cognuz pour le iour d'hy. Et premierement il y a le pays que les anciens Geographes ont tenu pour vne Ile, que l'on nommoit du nom de Scandinia: qui pour le present & de nostre temps comprend en soy, le Royaume de Suede, Noruegue, & vne partie de Denemarque. Puis il y a encore ces Illes, Angleterre, Ecosse, & Hybernie, Frillande, Yllande, & Groenlande. Desquelles nous parlerons icy, & d'vne chascune partie en particulier.

Suede, est vn pays abondant en mines d'argent, de cuyvre, de plomb, & de fer. Riche en bestail, & parcelllement pour la grande quantité de Lacs & de Riuieres qu'il y a, il abonde fort en poisson. Vne Region montueuse, & qui rend beaucoup de bestes fauages. Elle fertile en toutes sortes de frumens. La ville capitale de ce Royaume s'appelle Stockholm, située dans la Mer, comme Venise, & pour estre la plus grande par d'elle est bastie sur pilotz de bois. C'est icy que le Roy tient sa Cour ordinairement. Vpsala est l'Archueuesché en ce pays. Gotlande, ou le pays Gothique, appartient semblablement desous ce Royaume, auquel y a la ville de Calmar, ville Marchande, & assez forte, par le moyen du chasteau qu'il y a dedans ceste ville. Puis la ville de Vaite, dans laquelle y a vn Cloistre fort magnifique, auquel S. Bridgid, & S. Catharine la fille sont enterrées. Finlande appartient semblablement desous ce Royaume, qui est vne Duché. Puis Laplande, Bodnia, Biarmia, & aucunes autres.

Le pays de Noruegue est situé du Septentrion au Midy, le long de la Mer, & vne grande montaigne le diuisé d'avec le Royaume de Suede. Ceste Region de Noruegue appartient aussi le Royaume de Denemarque: & de son naturel est vn pays assez bon, sil n'estoit appourui par la fermeté, sous laquelle les Danois l'ont asserré, luy ostant toute la Navigation, & le trafic de Marchandises. Tout en la richeste du pays consiste en bestail & en poisson. C'est delà que nous arriue tout le Stochfin, ou Merlu, ainsi appellé a cause que l'on le pêche sur des baltons, bien haut en l'air, & la froideur. On le pêche couramment au mois de Ianuier, car c'est alors le trauers son pour le prendre, pource que la froideur est alors assez aprés pour le facher: car ceux que l'on prend es autres Mois, ne peuvent durer, n'estans propres pour les enuoyer hors du pays. La ville de Bergue est le marché de ce pays, & Nidrosia (en Aleman Trundherm) est vn Euesché en ce pays-cy.

Nous passerons sous silence, & ne dirons mot de l'Isle d'Angleterre, d'Ecosse, & d'Hybernie, pource qu'elles ont vne Carte propre en ce Liure, a laquelle ie vous renuoye.

Puis il y a l'Isle appellée Frillande, qui est fort incognue, & pource n'en dirons gueres; sinon que Nicolas Genuy fut ieté par tempete de Mer l'An 1380, souffrant naufrage non gueres long delà.

S'esluit puis apres Yllande, Isle merueilleuse. En ceste Isle y a la montaigne Hecla, au sommet de laquelle y a toujours de la neyge, & au pied d'icelle y a continuellement vn feu brulant. Apres de ceste montaigne y a certain gouffre tres-profond, auquel se representent aucunes fois des gens d'agueres tres-hauez, comme dit Olaus Magnus. Il y a semblablement mines de bled, mais les Marchands y amènent assez priuants en charge du poisson & du beurre, quilz ramènent de ce pays-là. Les habitans y demourent couramment tous sur en des canotiers, pour l'horrible froid qu'il y fait.

Groenlande est la dernière terre vers le Septentrion, d'où l'on s'aché à parler de nostre temps. Combien que Gerard Mercator a mis en sa Carte encore vne Ile deuers le Nort, laquelle il baptise du nom de Groenland.

De vouloir dire comment que le monde soit fait plus outre vers le Nort, sil y a terre, ou mer, on n'en fait rien pour certain, combien que plusieurs en racontent diuerses fables. Aucuns ont pensé, que la mer ne seroit navigable, qu'environ le chemin d'vne tournée plus outre. Je reciteray icy vne histoire, & mais de dire qu'elle soit vraye, ou faulse, j'em'en raporte a son Aulheur Alberus Crantzius, qui escrit ainsi: Comment qu'environ l'An vn peu plus que mille, du temps du Roy Albrand Empereur d'Allemagne, il y ait eu certains Gentilzhommes Philozos, qui ayants esté persuadez qu'en faisant l'expérience. Ceuz-cy se mirent en mer avec honorable compagnie, prenant la route (entre Denemarque & l'Isle d'Yllande, ilz serent velle droit deuers le Nort. Quand donques ilz furent en Noruegue à la droite: & passants ainsi l'Isle d'Yllande, ilz eux mesmes, & leur curieuse recherche à Dieu, & à S. Willibord leur Patron, & incontinent apres ils vindrent en vne Ile espelée, nubieuse, & froide obscurité, quilz ne voyoyent plus goutte; & voycy, que ces malheureux Mariniers (qui ne pensoient qu'à la mort) furent enuoloppez d'vne mer tournoyante & enfonçante. (L'on tient que ce tournement est l'abysme de la mer, auquel toutes les eaux de la mer s'enfoncent, & derechef en sont delgorgées.) Et ainsi que ces pottures & desolez auanturiers appelloient la misericorde de Dieu en ayde, priants qu'il luy plust de recevoir leurs ames, aucunes de leur nauires furent englouties de ce gouffre, & aucunes delgorgées, & iettées long de là, hors de la veue de leur compaignie, & hors du danger. Et par ce moyen furent deliuréz du peril, qu'ilz auoyent veu de leurs yeux propres, par l'ayde de Dieu, & la diligence quilz employerent en ramant. Or estants fortiz de ceste obscurité, ilz trouuerent vne Ile, qui estoit entournée tout à l'enrouer de haurs rochers, comme vne ville de murailles, où ilz prirent terre, pour regarder que c'estoit. Ilz trouuerent des hommes demourans sous terre, & deuant leurs canotiers y arriuerent des vaisseaux precieux d'or & d'argent, desquelz ilz le chargerent, & en prirent tant quilz peurent porter, reprenants la route de leurs nauires en grande loye. Mais en regardans derriere eux, ilzapperçurent incontinent qu'vne forte de gens d'vne delmesure & non accoustumée hauteur (que nous appellons Loups-garoux) les suuyoyent à la trace, deuant lesquels courroient certains chiens d'extreme grandeur. Ceuz-cy attraperent vn de leur compaignie, lequel ilz virent decliurer deuant leurs yeux. Le reste de la compaignie se sauua dans leurs nauires. Lesquelz apres plusieurs dangers & perils, arriuerent finalement à la Breigne, où ilz raconterent tout ce que dessus à l'Euesque, remerciants & louants Dieu, de ce qu'il luy auoit plu les garder & ramener sain & sauf en leur maison,

groenlande